

皇祐二年三月二十七日

玉清璇極等圖各有詩序命辭措意實有可
抹當州見今收掌未敢進

呈伏候

勅旨

中書劄子付招信軍

虔州奏大中祥符宮道士李思聰狀自明道
元年相次於道門秘典

列聖真詮採賾幽微稍窮妙本撰成

玉清璇極圖述虛無璇象之神化洞天五嶽
圖贊五嶽仙山之靈境蓬壺閻苑圖頌蓬島

十洲之勝槩大溟靈瀆圖著龍宮海濱之興

妙名山福地圖吟紫府丹臺之秘典金液還

丹圖集神仙之火候圖子六面并卦拔圖一

十軸乞興進

呈當州衆官看詳實可採其圖見在本州收

掌未敢上

進伏候

勅旨

右奉

聖旨宜令虔州入遞進呈劄付虔州準此



洞淵集卷之一二同

沖妙先生李思聰集

三界詠序

夫三界詠者應三才也列八十一章者應

九九之數也玉清詠贊三清旋象之神化

洞天詠著五嶽洞天勝槩海山詠述蓬

壺閻苑之仙景三才備矣九數生焉昔希

夷先生著指玄篇言修身養性之妙理巨

今吟三界詠述虛無洞天海島之奧區今

古異同各言其志並按仙經寶錄鳳縕霄

書備究根源非敢臆說退慙膚淺妄扣禩

微祗期傳修真羽服之流豈敢示英辭學

林之士味道君子同暢真風時

宋皇祐二年上元日序

三清詠叙以三清傳降
經錄事亦

元始天尊者即天地之精極道之祖炁也本

生乎自然消即為炁息即為神不始不終永

存綿綿居上境為萬天之元居中境為萬化

之根居下境為萬帝之尊無名可宗故曰天

尊始世人天矣不可以理測不可以言筌生

萬物而不宰化萬類而不言至尊至極乃曰天尊居玉清聖境清微天宮焉

玉晨道君者乃大道之化身也言其有不可以隨迎謂其無復存乎恍惚所以不有而有無而無視之無象聽之無聲於如有妙無之間大道存焉道君即審道之本洞道之元

為道之炁即師事元始天尊稱受道弟子焉猶是老君稟而師之矣居上清真境萬餘天

中降金科寶錄三洞仙經付經師鬱羅翹真人傳教於萬國焉

混元老君者乃元炁之祖宗天地之根本也歷劫行化代代為師或在九天或遊四海不可無師教不可無主立乃師事玉晨道君稱受道弟子焉或降太微勾陳六星中即號曰天皇大帝曜魄寶至周降生孔子嘗曰老聃

者吾之師也而問禮焉仰之如猶龍自開闢以來五十餘度降見西度流沙下化中國為三教宗師作百王執範千古行道神變無方居太清仙境太赤天中焉
紫微北極五靈帝君者位居中天紫微垣為

萬象宗師聚星拱之焉昔龍漢元年為北陰酆都羅山六洞鬼神效魔出行人間殺害生人尤甚莫能制禦上帝召北帝統神將天兵驅蕩氛邪救護兆庶功成昇帝入中天自然總極紫微之位七真曰我祖師北極歷劫已

來勤苦者燈供養三清功滿德備而昇入紫微帝位出入常有華蓋相隨星光七寶燦爛上徹諸天下照萬國每月二十七日下降察世人罪福焉

度人經者即元始天尊在始青天中演四方元始真文五帝魔王名諱諸天內音之辭真文奧妙非常辭諸天大聖所秘於紫微之宮上帝憫天地陰陽有劫壞之數救地獄有五苦八難之魂諸天神仙乞演靈音救度此庶上消天災下攘毒害安鎮國祚保天長存斯經專妙為萬道之宗焉

黃庭經者即玉晨道君在上清真境紫微上宮藥珠闕內而作是經皆羅列一神室處胎神之神在耳乃真人不死之道焉
一名太上琴心文一名太帝金書一名東華

玉篇東海青童君眾仙皆以白玉為版黃金刻書日夕朝拜天地然後師授賜谷神王傳紫虛元君魏夫人因傳於世矣

道德經者即混元老君在太清天中所著焉昔虞舜在宥以孝悌治民感老君下降稱尹

壽子以五千文授舜悟希夷之妙退身禪位隱于蒼梧之野斯文秘之不傳於世至周昭

王時老君西度流沙尹喜為關令占見紫炁浮天狀若龍蛇之質知有聖人度關掃街齋肅以俟真游果遇老君灑懸拜伏乞救腐尸

朽骨願賜秘言老君憫其哀苦乃駐駕重演此五千言并親注號曰節解又河上公為漢文帝分為道德二經列八十一章用留於世矣清靜經者即老君之秘言也太極左仙公葛玄曰此經上天所寶不傳下士吾昔授之

於東華帝君東華帝君授之於金闕帝君金闕帝君授之於西王母皆秘語相傳不死之文上士悟之昇為天官中士得之南宮列仙下士受之在世長年遊行三界昇入金門矣陰符經者即玄女授黃帝三百言上百言有

神仙抱一之道中百言有富國安民之法下百言有強兵戰勝之術黃帝得之而昇雲漢陰者暗也符者合也天機暗合於事機故曰陰符也

上清寶籙者是九天三景寶文妙道極真之炁出於大羅玉京上館玉皇所祕衆聖所尊封於瑤臺位昇高仙有金闕玉名者皆得佩帶朝謁上清此文生於元始之先結飛玄之炁以玉宇煥曜太空萬靈尊奉

高上玉皇傳太微天帝傳上清得道之聖因小有天王玉真人傳紫虛元君魏夫人夫人傳茅山楊司命許長史後下降於世焉

靈寶仙籙經者是九炁之精結成而文光明煥赫上徹九天之威下滅六天之炁上帝至秘非名刻金簡玉書者不得輒窺此文道君傳太微天帝傳金闕後聖帝後聖帝傳青童君青童君傳得道之真因太極真人徐來勒傳葛仙公後留於世矣

正一盟威錄者以後漢時王晨道君乘五雲綠軒儀衛甚整降鶴鳴山告天師張道陵曰

吾見下界鬼魔混雜人事不分生民天傷踴汝正一法錄三卷神劔二張可為吾斬滅妖克返邪歸正和天轉地保國寧家功成之後昇汝歸無何之鄉天師稟命入西川行化降二鬼帥王長趙昇二人於門下指使奪二十四鬼獄為二十四福庭分別晝夜禁禁鬼神使宇宙清寧民保遐壽以後漢桓帝時白日騰翬位為正一真人法錄留傳自茲而始

道教金科玉律者以漢安二年正月十五夜半時王晨道君降九龍玉輿威儀甚整徧滿空界清歌引詠去地萬仞徘徊不下天師刺心仰望乃見道君告真人曰昔使汝西蜀降鬼不候天符擅與雷雨役使吏兵失常過度驅馳星斗昏亂日月上驚天府下怖陰司殺炁盈空邪光遍體今上帝責汝之過錄于罪

名吾不得近汝矣天師悲告乞死駕前願垂救拔道君憫之乃遣功曹使者開紫陽玉笈出素書三卷題云玉律金科謝罪滅除黑簿救拔九祖儀式天師稟命退居鶴鳴山道靖依科懣謝萬靈功微諸天白日昇晨位為三

天扶教大法師齋醮玉律金科留得自茲而始玄都玉京山周迴九萬里即陽華精炁凝結而生無根而立據空而停在無極大羅天中馮山有七寶城闕光燦諸天其上廣下狹狀若崑崙傍有十二天自然陽炁化生周遶其下復有七寶霧林彌覆八天周列八行乃八方神仙受事之徑花葉之上皆玄炁化生鳳篆龍章諸天內音之文道德希夷之句衆聖吟詠難可尋詳靈風振之鈞天吼空即虛皇上帝所都萬聖朝軒為極道之城高仙之玄都焉

鄴都羅山者在北方癸地為鬼戶死炁之根山高二千六百里周迴三萬里其山有洞宮皆鬼神之都山內外各有十二宮合為二十四陰宮主考罰罪魂之所其三宮九府二十四獄冥官鬼神主黑簿之司皆濁炁凝滯為地之根陰炁之主乃九地樞機焉山林草木皆稟毒惡之炁所生為鋒刃燥空黑煙燄劫晝夜不停中有執罰神兵常考理罪魂皆三元八節之日北帝冥官引出歷劫窮魂責問

罪孽端由州縣鄉土墳墓所在居住年代去處或罪法深重天未原赦者即流殃見世子孫災難自此而生乃北帝君統御鬼官鎮此山其中皆結黃精之炁而成官關官吏皆是古之帝王忠臣孝子有功者即為冥官皆費衣素丹繡服常以七月七日校定世人善惡黑簿罪名上奏天府塵心不得警悟追事祖宗矣地官品秩各有等差焉

洞淵集卷之一

洞淵集卷之二

沖妙先生李思聰集

- 第一王屋山天壇峯絕頂高一百二十里洞周迴一萬里名小有清虛之天即杜仲玉及為小有天王清虛真人所理在洛京王屋縣
- 第二委羽山洞周迴一萬里名大有空明之天即司馬季主為大有真人所理係台州爾雅云應在海中
- 第三西城山高二千丈洞周迴三千里名太玄極真之天此即王方平真人所理在梁州成都府西一千里入西界
- 第四西玄山高二千七百丈洞周迴一千里名三玄極真之天即裴真人所治係華州人不可到入西界
- 第五青城大面山高三千六百八十八丈九尺洞周迴二千里名寶仙九室之天即竈真人所理黃帝曾問道希夷真君授希龍踏經之處在蜀州青城縣
- 第六天台赤城山高一萬八千丈洞周迴五百里名上清王平之天即桐栢王真人所理

葛玄仙公鍊丹得道處上應台宿故名曰天台在台州天台縣

- 第七羅浮山高三千六百丈洞周迴五百里名朱明耀真之天即蓬萊之島也堯時洪水泛海而來博於羅山二山相合故曰羅浮抱朴子葛洪鍊丹得道處在惠州博羅縣
- 第八茅山高一百七十丈洞周迴一百五十里名金壇華陽之天即古名句曲山因茅君鍊丹得道故曰茅山記云華陽洞天生黃金壇高百丈紫玉宮室皆上清真人遊息之地在昇州句容縣
- 第九林屋山洞周迴四百里名尤神幽墟之天一名色山在太湖水中夏禹治水平後藏靈寶五符於此洞中在蘇州
- 第十括蒼山洞周迴三百里名成德隱真之天徐來勒真人所治在處州
- 第一霍桐山高三千四百丈洞周迴三千里名霍林之天即鄭思遠韓衆許快真人為司命君所治在福州長溪縣
- 第二東嶽泰山高四千丈二尺洞周迴一千